



Athinbyâye jènèrale ordinèra anuèle di Takounè
le devindro 29.04.2022 ou Kâfé de la Kri Fèdèrale ou Krè

A vint-âr'è-tyindzé (20h15) Madama Charlotte Fisler, nouthra prèjidinta, àrè l'athinbyâye.

Chin fâ ora trè j'an ke no j'an pâ pu no rètrovâ dinche. Adon I fâ piéji de vo vère. I vo kouâjo la binvinyète è vo rêmârhyo d'ithre vinyê. No j'an achebin le pyéji d'avi permi no le prèjidan Kantonal, Moncheu Marcel Thürler, è li bayo le bondzoua de la pâ de ti lè mimbros di Takounè. A la fin de l'athinbyâye, la chochyètâ vo j'ofrè ouna kolachyon, le brè l'è a vouthra tsèrdze.

Dèvan de kontinuâ, i vo demândèri d'avè on moujiron po hou ke no j'an tyithâ po alâ vè le gran patheryâ :

Moncheu Paul Genoud (oktôbre 2019)

Madama Liliane Eichenberger (janvyé 2020)

Moncheu Roger Chardonnens (mi de mâ 2020)

Moncheu Jean-Marie Mossier (èvri 2020)

Moncheu Ugo Toscano (dèthanbre 2020)

Moncheu François Bergmann (mi de mâ 2022)

Moncheu Emile Duding (mi de mâ 2022)

Moncheu Joseph Genoud, dit Zepp du Chêne (èvri 2022, l'a pachâ l'y a 'na chenanna. Zepp irè membro fondateu di Takounè è l'a dzuyi bin di kou din la tropa di tèâtre). On gro moujiron por li. No fan 'na menutè de tyêja.

38 minbrochon prèjin, è 16 chèchon ekchkujâ :

Madama Hélène Dumas

Moncheu André Genoud

Madama Dora Genoud

Madama Jacqueline Genoud

Madama Maria Gilgen

Moncheu François Liaudat

Madama Josiane Liaudat

Moncheu Patrick Liaudat

Madama Florence Maillard

Madama Gisèle Menoud

Moncheu Paul Menoud

Madame Lucie Perrin

Moncheu Raymond Perrin

Madama Hélène Vauthey

Madama Jocelyne Vial

Moncheu Philippe Vial

Rosemarie yè ouna babyârda de Patrick Liaudat : "Au nom de la Société des Armaillis de la Veveyse, je tiens à féliciter la société des Takounè pour le maintien de notre patois. Un immense bravo à vous tous pour la pièce de théâtre jouée au Crêt. Merci également à Colette Esseiva qui continue de l'enseigner au CO de la Veveyse durant la période hivernale. Je vous souhaite une excellente assemblée et vous adresse mes cordials salutations. Patrick Liaudat."

Nominachyon di chkrutateu : Moncheu Titi Bertherin
Moncheu Francis Romanens

Prothè-vèrbal 2019 :

Vo j'i pu yère la patarafa din la biyôta ke no vo j'in invouyi l'ôtri. Dinche no van pâ la yère adi. Che vo volè l'aprovâ, vo povè levâ la man.

La patarafa dè dou mil djij'è nà l'è aprovâye a l'unanimitâ.

Rapouâ dè la bochère :

Valérie Dorthe prèjintè lè konto 2019 – 2020 – 2021 è bayè kotyè j'èkchplikachyon. La fortèna ou 31.12.2021 chè montè a CHF 34'343.21.

Rapouâ di Vèrifikateu :

Ou non di vèrifikateu Moncheu Gérard Guillet et Christian Menoud rêmârkon ke lè konto chon fêrmo bin tinyè. I rêmârhyè Valérie Dorthe po chon bon travô è dèmandè a l'athynbyâye d'in bayi dètsêrdze a la bochère è ou komité. Lè konto chon aprovâ in tapin dè man.

Rapouâ dè la prèjidinta :

On rèvinyè on bokon in d'arê tanyè in 2019 :

- Ou mi dè mâ, apri nouthra dèrire athinbyâye, le komité l'avè déchidâ dè rèyi Françoise Vial por ithre grâta-papê, Valérie Dorthe por ithre la bochère di Takounè è mè kemin prèjidinta.
- Le 31 dou mi d'ou, no j'an fê 'na farmo galéja chayète avui lè minbro a Roche sur Foron è a Annecy
- Du l'outon d'apri, no j'an keminthy a rèkordâ nouthrè duvè pithè po le furi 2020. Le Roubati è Tyéche tè Batoye ! No j'an j'ou prà dè pyéji dè fére chin. Iran duvè galéjè pititè pithè avui on bin bi dèkouâ dè montanyè po le Roubati.
- È pu no j'an j'ou bin dè la tsanthe dè povè dzuyi oumintè lè trè premi dzoua. Apri l'y a j'à le «semi-confinement» è nyon l'a rin mé pu fére dou to.
- In 2020 : rin dè athynbyâye, nè dè chayète, nè dè vèyè dè patê, nè dè kour. È panyî dè vèyè dè Tsalande.
- Ma no j'an pâ pèrdu l'èchpèranthe è no j'an rèchu la pithe èkrite pè Nicolas Bussard ou furi 2021. No j'an volu fithâ lè 40 an di Takounè dinche avu 'na pitha "a no".
- Gérard Guillet l'a pâ tarlatâ po tranchlatâ to chin.
- È no j'an keminhy a rèkordâ la pithe in outon, mimamin che l'è pâ j'à fachilo pèchke no j'iran djémé chèrtin dè la chute di fè... in dèpye, l'an du no j'anonhyi 'na novitâ : du l'outon pachâ, la Kri Fèdèrale l'è kotâye le demikro. Ma no j'an pu trovâ on n'arandzèmin. Lè karbatyé chon galé chejin avui no. No lè rêmârhyin.
- In dèthinbre, l'è vinyè adi pye difichilo avui lè «prescriptions sanitaires» è pu ou bè dè fèvrè to l'è rèvinyè normalo. No j'an achebin j'ou on bokon dè tsanthe pèchke l'y a pa j'ou dè Loto chti an. Adon no j'an pu rekordâ din lè dèkouâ du l'y a grantin. Dinche l'è pye fachilo por no.
- Adon ou bè dou mi dè mâ è ou dèbu d'èvri 2022, no j'an pu dzuyi lè 6 kou ke no j'avan prèyu. No j'an pu fére chin chin lè konplikachyon di «consignes sanitaires». Lè dzin iran kontin è i fajè dou pyéji dè vère chin. No j'iran bin benéje dè to chin.
- Ôtra tsouja : l'amikale bayè adi de l'erdzin a di klachè dè l'èkoula primère dè la Vevéje k'aprinnyon di tsan in patê. In 2021, l'y a j'à ondzè klachè è in 2022 (po le momin) l'y in d'a thin ke l'an rèchu tsakon thinkanta Francs.

Admichyon - dèmichyon dè minbro :

No j'an rèchu trè dèmichyon : Joseph è Anne-Marie Chassot (dè Chamoson), è Anne-Lise Bongard (dè Grâtavtse).

No j'an achebin le piéji d'akuyi vouète novi minbro :

Alexandre Rey (Tsathi) / Bertrand Butty (Lè Paccots) / Anne-Marie Balmat (Chinchâlè) / Jean è Edith Berthoud (Savigny) / Irma Genoud (Tsathi) / Adrien Pittet (Tsathi) / Jean Dénervaud (Bouloz)

Rènovalèmin dou komité :

L'avan de ke tyithèran le komité on an apri André Genoud è Paul Menoud (ke l'an tyithâ le komité en 2019), ma kemin no j'an pâ j'à d'athinbyâye... l'an du atindre tantyè a chti an : Roseline Monnard è Rosemarie Dévaud l'an travayi bin di j'an po hou komité è ch'n'amikale. I no tyithan ora, ma i châbran bin chur minbro dè l'amikale è dou tèâtre. Valérie Dorthe l'è j'à min dè j'an ou komité (chin fâ trè j'an ke l'è bochère) ma no tyithè achebin.

Valérie l'a fê on gro travô po la tyéche ke l'è ora pachâye din lè tin modèrnè dou "numérique". Adon on gran marthi po ton travô.

Roseline, t'i j'à trèdzè j'an din chi komité, a fére la grâta-papê po lè PV outre dji j'an, è on lordo travô din nouthr'n'amikale. Te fâ to dè gran atinhyon a to chin ke fô moujâ por organijâ choche è chin. T'â achebin dzuyi din le tèâtre, mè moujo. Marthi bin po to ton travô.

Rosemarie, to le mondo tè konyè : minbro fondateu de l'amikale in 1982, l'y a 40 an ! din le komité du to dè gran, t'â tinyi la tyéche chèdz'an è t'i j'à préjidinta chèdz'an achebin intrè 2003 è 2019. T'in d'â fê dou travô po ha chochyètâ ! I pou pâ to dre pèchk'i vé n'in d'oubyâ on mache. I te châbrè bin di chovinyi dè to chin. È in dèpye, du le keminhyèmin, t'i on galé j'akteu din nouthron tèâtre. No j'an le pyéji dè tè bayi ha bala kuyi dè bou è on préjin ke te farè a prindre dou bon tin. L'è le fin momin dè profitâ dou tin ke tè châbrè puchke t'i pâ mé din le komité : ôtramin te richkè dè t'innoyi ! Adon on to l'ordo marthi dè la pâ dè la chochyètâ po ton grô travô.

Trè pèrchenè chon rèyi pè l'athinbyâye po fére partya dou novi komité :

François Blanc, dè Tsathi
Christian Menoud, dè Le Krê
Christiane Hübscher, dè Chinchâlè

L'athinbyâye aprovè lou nominachyon in tapin dè man.

Rèmècha di Takounè d'ouâ

L'amikale bayivè on takounè d'ouâ a ti hou ke l'avan j'ou minbro du l'y a trante an. Le komité l'avè déchidâ du l'y a kotyè tin dè betâ chin a vint'an. Hou ke chan vinyè minbro intro 1996 è 2002 è chon préjin van rèchouèdre le takounè d'ouâ.

Moncheu François Blanc	Madama Dora Genoud
Moncheu Gérard Dévaud	Madama Sylvia Genoud
Moncheu André Genoud, de Montmoirin	Madama Hélène Vauthey

Kour dè l'evê :

Cécile Mettraux mènè lè vèyè dou patê le delon né a le Krè. I prin la parola.
Colette Esseiva bayè lè kour po l'université populaire è le CO dè la Vevéje. I prin la parola achebin.
Marthi à totè po vouthron dévoumin.

Fitha a Porrentruy 24-25 dè chaptanbre 2022 :

Vo j'i rèchu la foye d'inchkripchyon po la fitha internachyonale dou patê dè chti an. Chin chè pâchè a Porrentruy. No j'an réchu pou d'inchkripchyon tank'ora. No chan 5-7 k'iran le dechando è la demindze. L'y arè on bus organijâ po la Grevire è la Vevéje.

Marcel pou adi no dre di dètaye dè l'organijachyon, ma che vo volé vo j'inchkrire l'è adi pochubyo. Vo puédè vinyi vèr no ou bè dè l'athynbyâye. Marcel, t'â la parola. I bayè on novi thinlyon po ch'inchkrire au vin dè mé.

Divê :

Komitè kantonal : kemin le patê l'è j'à rèkonyu kemin « langue minoritaire », l'y a di dzin ke fan to po betâ ha bala linvoua in èvan. L'y a 'na novala tsouja ke va chè fére : oun'âra d'inichyachyon ou patê à l'ècoula primère. Marcel prin la parola po bayi di dètaye.

Chin l'è pâ on divê... lè Takounè fithan lou 40 an chti an !

Kemin vo j'i dza oyu (ou yu), l'y arè on goutâ le 30 oktôbre. Vouêrdâdè la dàta, vo puédè vo j'inchkrire kan on vo j'invouyè la biyôta po chin.

Merthi a vo ti po lè travô ke vo fédè, è po fére a tsévanhy chi bi lingâdzo.

Gérard no di dutrè mo, rèmarhyè po le tèâtro è la tradukchyon pê Gérard Guillet.

Rosemarie no di achebin kotyè mo chu chè 40 an din le komité.

L'athinbyâye è lèvâye a nov'arè è vint-è-thin

La grâta-papê
Françoise Vial
29.04.2022